



UNIVERSITÄTS-  
BIBLIOTHEK  
PADERBORN

**PSALTE=||RIVM DAVIDIS || CARMINE REDDITVM || PER  
EOBANVM || HESSVM.||**

**Hesus, Helius Eobanus**

**Lipsiae, 1557**

**VD16 B 3198**

Psalmvs LXXVII. Voce mea ad Dominum clamaui.

---

[urn:nbn:de:hbz:466:1-69301](https://nbn-resolving.de/urn:nbn:de:hbz:466:1-69301)

De summo intonuit tua uox iustissima cœlo,  
 Territa conticuit numine terra tuo.  
 Quando ad iudicium Deus exurgebat, ut ipso  
 Quo uoluit miseris tempore ferret opem.  
 Namq; quod humanis moueare affectibus iræ,  
 Debetur merito gratia multa tibi.  
 Verum quæ reliqua est & uindex ira malorum,  
 Non habet exacti temporis illa modum.  
 Epiphonema quo horratur Si qua Deo forsitan uouisisti, reddite uota,  
 totam Ecclesi- Solute terribili munera iusta Deo.  
 um ad gratiæ Qui magnos animos adimit uiresq; superbis,  
 actionem. Quem regum terræ maxima sceptrâ timent.

## P S A L M V S LXXVII.

Voce mea ad Dominum clamaui.

## A R G U M E N T V M.

Est doctrina & consolatio insignis, quo modo animi tristibus cogitationibus et alijs incommodo dis oppressi se debeant erigere, ut primum orent, deinde se erigant recordatione mirabilium operum Dei. Hoc qui non faciunt & sollicite oculos in præsentia incommoda defigunt, dolorem frustra dolori addunt.

Cum subit ira Dei mentem sua uulnera fassam,  
 Talia, sic trepidans, signa pauoris agit.  
 Hac tamen ipse pios solatur imagine uates,  
 Ut toto incipiunt fidere corde Deo.

IUXTA



Iuxta Iedithun Asaph Psalmus.

A Nte Deum supplex lacrimosa uoce precabor,  
 Auersus precibus non erit ille meis.  
 Tempore fortuna quo me insectante premebar,  
 Quem peterem, portus proximus ille fuit.  
 Nocte manum tota nunquam tibi tendere cesso,  
 Nec mea fert aliqua dextra quiete frui.  
 Non est hæc animæ qui uulnera curat egentis,  
 Consolatrices nam fugit ipsa manus.  
 Sensibus attonitis & tota mente tremisco, †  
 Cum subeunt animo facta stupenda Dei.  
 Spiritus exanguis sub pectore deficit ægris,  
 Conatus quoties sum tibi pauca loqui.  
 Non finis in dulcem solui mea lumina somnum,  
 Non potis est aliquid territa lingua loqui.  
 Prisca reuoluebam repetito tempora sensu,  
 Quiq; tot annorum præteriere dies.  
 Nocte meo repeto memori sub pectore cantus,  
 Cumq; meost tacitus plurima corde loquor.  
 Ergo ne nos Dominus per sæcula cuncta relinquet?  
 Ergo ne non ultra mitis & æquus erit?  
 Nunquid in æternum pietas defecit ab ipso?  
 Nunquid promissis non stat, ut ante suis?  
 An ne sit oblitus misereri? nunquid ab ira  
 Amplius immensa, nil pietatis habet?  
 Hæc meditans mecum dicebam sœpe, sed hæc est †  
 Conditio carnis, quam queror, ægra meæ.  
 Hæc est diuinæ uoluens mutatio dextræ,  
 Omnia quæ uicibus temperat ipsa suis.

Narratio, in  
 qua proponit  
 suum exemplū  
 quod in afflicti  
 one & dolori  
 bus animi, ora  
 tione utatur.

†

Aptior senten  
 tia est, Cū ani  
 mo perturba  
 tum recordor  
 Dei, cum mœ  
 rore afficitur  
 anima mea tum  
 querelas facio.  
 Explicat uim  
 & magnitudi  
 nem dolorum  
 animi.

Hic exponit  
 cuiusmodi sint  
 illæ cogitatio  
 nes quæ som  
 num nō admit  
 tunt.

†

Reprehendit  
 Prophetæ suas  
 querelas, qui  
 bus animus ma  
 gis perturbat,  
 & se erigit fi  
 ducia potentis  
 dexteræ Dei q  
 deus varijs mo  
 dis, in populo  
 suo ostendit.

Ergo

Ergo memor tua facta Deus mirabor ab annis  
Antiquis, quorum gloria magna tua est.

Omnia per manuum meditabor facta tuarum,  
Virtutesque tuas hic et ubique loquar.

Epiphonema, In sancto posuere tue uestigia plantae.  
sanctae sunt uite

tuae, tua confilia sunt sancta  
et abscondita, atque ita ingreditur narratio

nem nouam mirabilium, quae Deus in populo suo fecit.

Mare rubrum Tu uirtute tua fortis, tu robore dextræ,  
Soluisti populi uincula dura tui.

Tempestasqua Vincula Deus rupit quondam durissima, natis,  
perit Pharaonem. Nempe et Iosephi nempe Iacobe tuis.

Territa confexere Deus te flumina aquarum,  
Te præsente tremens omnis abyssus erat.

Fuderunt pluuias grauidæ, ceu flumina, nubes,  
Continuis tellus imbris uada fuit.

Horrida collisæ mouere tonitrua nubes,  
Rupere aërias fulgura crebra plagas.

Vox tonitrus metuenda tui circumuolat orbem,  
Quem uidet aethereæ machina tota domus.

Illustrant lumines tua flammæ fulgura terras,  
Contremuit tellus mota timore tui.

Tu Deus immensi transis uada cœrulea ponti,  
Tu pedibus calcas flumina magna tuis.

Nec tamen ulla pedum uestigia uisa tuorum,  
Nulla uiae superant signa relicta tue.

Sicut oves per Aaronem Mosenque potentes,  
Ducebas populi castra receptatui.

Psalms

